



Zmaja od Bosne 47b,
71000 Sarajevo,
Bosna i Hercegovina



T ++ 387 (33) 72 14 00
F ++ 387 (33) 66 88 11



E agencija@fba.ba
W www.fba.ba



BOSNA I HERCEGOVINA
FEDERACIJA BOSNE I HERCEGOVINE
AGENCIJA ZA BANKARSTVO
FEDERACIJE BOSNE I HERCEGOVINE

**POZIV ZA DOSTAVU PONUDE U POSTUPKU NABAVKE ZDRAVSTVENIH USLUGA
(USLUGE IZ ANEKSA II. DIO B. ZAKONA O JAVNIM NABAVKAMA)**

Usluge obavljanja sistematskih pregleda radnika Agencije za bankarstvo FBiH

Broj nabavke: 05-3905/20

Sarajevo, septembar/rujan 2020. godine

Sadržaj:

I.	OPĆI PODACI.....	1
II.	PODACI O PREDMETU JAVNE NABAVKE	1
III.	USLOVI ZA KVALIFIKACIJU PONUĐAČA	1
A.	Minimalni uslovi za kvalifikaciju ponuđača.....	1
1.	Lična sposobnost – član 45. Zakona.....	1
2.	Sposobnost obavljanja profesionalne djelatnosti – član 46. Zakona	2
3.	Ekonomska i finansijska sposobnost – član 47. Zakona.....	2
4.	Tehnička i profesionalna sposobnost – član 50. Zakona	3
5.	Pisana izjava iz člana 52. Zakona	3
B.	Posebno definisani uslovi za kvalifikaciju ukoliko ponudu dostavlja grupa ponuđača	3
IV.	PODACI O PONUDI.....	3
A.	Sadržaj ponude.....	3
B.	Način izrade ponude	4
C.	Izmjena i/ili dopuna ponude i odustajanje od ponude	4
D.	Način određivanja cijene ponude – kriterij za dodjelu ugovora	4
E.	Preferencijalni tretman domaćeg	4
F.	Način dostave ponude	5
G.	Period važenja ponude	5
H.	Mjesto, datum i vrijeme prijema ponuda – rok za dostavljanje ponuda	5
V.	OSTALI PODACI.....	5
A.	Rok, način i uslovi plaćanja izabranom ponuđaču	5
VI.	PRILOZI POZIVU ZA DOSTAVU PONUDA.....	5

I. OPĆI PODACI

- 1) Naziv i adresa ugovornog organa: Agencija za bankarstvo Federacije BiH;
- 2) Identifikacioni broj ugovornog organa: 4200558120006;
- 3) Telefon, fax, internet adresa: Telefon: + 387 33 72 14 00, Fax.: +387 33 66 88 11, Web stranica: www.fba.ba;
- 4) Ime osobe u ugovornom organu zadužene za kontakt: Džan Šebić, tel. +387 33 72 14 00, e-mail: javne.nabavke@fba.ba;
- 5) Kod ugovornog organa ne postoje privredni subjekti, koji se u planiranom postupku javne nabavke mogu pojaviti kao učesnici, a koji su u situacijama iz člana 52. stav (4) i stav (5) Zakona o javnim nabavkama („Službeni glasnik BiH“, broj: 39/14, u nastavku teksta: Zakon);
- 6) Za provođenje predmetne nabavke ugovorni organ je odabrao postupak dodjele ugovora u skladu s članom 8. Zakona te odredbama Pravilnika o postupku dodjele ugovora o uslugama iz Aneksa II. dio B Zakona;
- 7) Nakon provedenog postupka javne nabavke zaključit će se ugovor o javnoj nabavci usluga, s rokom važenja do 31.12.2020. godine. Ugovor se zaključuje jednokratno, s početkom primjene od dana potpisivanja od strane obiju ugovornih strana;
- 8) Procijenjena vrijednost nabavke: 49.000,00 KM.
- 9) Mjesto pružanja usluga: u prostorijama odabranog ponuđača, na području Grada Sarajeva.

II. PODACI O PREDMETU JAVNE NABAVKE

Opis predmeta javne nabavke, uz navođenje oznake i naziva iz Jedinog rječnika javne nabavke/JRJN

Predmet ovog postupka je nabavka usluga sistematskog zdravstvenog pregleda radnika Agencije za bankarstvo FBiH (u nastavku: ugovorni organ), za 2020. godinu, u skladu sa tehničkom specifikacijom usluga i ostalim traženim uslovima/zahtjevima naznačenim u Pozivu za dostavu ponuda (u nastavku teksta: poziv).

- JRJN oznaka predmeta nabavke: 85140000-2 – zdravstvene usluge

III. USLOVI ZA KVALIFIKACIJU PONUĐAČA

A. Minimalni uslovi za kvalifikaciju ponuđača

1. Lična sposobnost – član 45. Zakona

Ponuđači su dužni dostaviti izjavu, koja se nalazi u prilogu 4 ovog poziva, da ispunjavaju uslove za učešće u postupku nabavke u pogledu lične sposobnosti, ovjerenu kod nadležnog organa (sud, notar ili općina).

Napominje se da ako ugovorni organ bude imao sumnje o postojanju okolnosti vezanih za ličnu sposobnost ponuđača, isti će se obratiti nadležnim organima s ciljem pribavljanja potrebnih informacija u predmetnom postupku.

Dokazi moraju sadržavati potvrdu da je ponuđač u momentu predaje ponude ispunjavao uslove koji se traže ovim pozivom. U protivnom, smatrat će se da je dao lažnu izjavu iz člana 45. Zakona.

Dokaze o ispunjavanju uslova odabrani ponuđač je dužan dostaviti od 5 (pet) dana, od dana zaprimanja obavještenja o rezultatima ovog postupka javne nabavke. Dokazi koje dostavlja izabrani ponuđač moraju biti dostavljeni u originalu ili kopiji ovjerenoj od strane nadležne institucije.

Napomena: Ponuđač može uz ponudu dostaviti traženi dokaz koji je zahtjevan u poglavlju III., tačka A, podtačka 1. (lična sposobnost – član 45. Zakona), čime se oslobađa obaveze naknadnog dostavljanja ovog dokaza, ako bude izabran za najpovoljnijeg ponuđača.

Težak profesionalni propust (član 45. stav (5) Zakona):

Napominje se da se ponuda odbija ako ugovorni organ, na bilo koji način, dokaže da je ponuđač bio kriv za težak profesionalni propust počinjen tokom perioda od tri godine prije početka postupka, koji ugovorni organ može dokazati na bilo koji način, posebno, značajni i/ili nedostaci koji se ponavljaju u izvršenju bitnih zahtjeva ugovora koji su doveli do njegovog prijevremenog raskida, nastanka štete ili drugih sličnih posljedica zbog namjere ili nemara privrednog subjekta određene težine.

2. Sposobnost obavljanja profesionalne djelatnosti – član 46. Zakona

Da bi učestvovao u konkretnom postupku javne nabavke, ponuđač mora zadovoljavati slijedeći uslov sposobnosti obavljanja profesionalne djelatnosti:

- da je registrovan za obavljanje djelatnosti koja je predmet nabavke

Dokaz:

Rješenje o upisu u sudski registar ili aktuelni izvod iz sudskog registra ili potvrda nadležnog organa iz koje je vidljivo da je ponuđač u vrijeme predaje ponude registrovan za obavljanje djelatnosti koja je predmet ove nabavke. Dokaz se dostavlja kao obična kopija originala.

U slučaju da ponuđač ne dostavi dokaz iz ove tačke poziva ili ga ne dostavi na način kako je naprijed traženo, bit će isključen iz daljeg učešća zbog neispunjavanja navedenog uslova za kvalifikaciju.

3. Ekonomska i finansijska sposobnost – član 47. Zakona

U skladu s članom 47. Zakona, ponuđač mora ispuniti uslov da njegov bankarski - glavni račun otvoren kod poslovne banke nije bio blokiran u zadnjih 12 (dvanaest) mjeseci ili od početka poslovanja ako je ponuđač registrovan, odnosno počeo sa radom prije manje od 12 (dvanaest) mjeseci, računajući od dana objave obavještenja o nabavci.

Dokaz:

Potvrda izdana od poslovne banke s navodima da: „*glavni račun ponuđača nije bio blokiran u zadnjih 12 (dvanaest) mjeseci, računajući od dana objave poziva na internetskoj stranici ugovornog organa.*“

Dokaz se dostavlja kao obična kopija originala, zajedno s izjavom o ispunjenosti uslova iz člana 47., stav (1) tačka a) Zakona, koja je sastavni dio ovog poziva (prilog 5).

4. Tehnička i profesionalna sposobnost – član 50. Zakona

U svrhu dokazivanja uslova u pogledu tehničke i profesionalne sposobnosti, ponuđač mora ispuniti slijedeće minimalne uslove:

1. da ima na raspolaganju ljekarski tim koji će cijelo vrijeme trajanja ugovora biti angažovan na pružanju usluge koja je predmet ugovora, osposobljen za vršenje pregleda koji su definisani u tehničkoj specifikaciji usluga;
2. prosječan broj zaposlenih u posljednje tri godine: minimalno 10 radnika.
3. da ima na raspolaganju poslovne prostorije na području Grada Sarajeva, namijenjene za obavljanje zdravstvenih usluga, sa tehničkim sredstvima (medicinska oprema) potrebnim za pružanje usluge koja je predmet ugovora, tj. da je tehnički opremljen i osposobljen za uredno izvršenje ugovora;

Dokaz:

U svrhu ispunjenja uslova iz ove tačke poziva, ponuđač treba dostaviti potpisanu i ovjerenu izjavu o ispunjavanju traženih uslova iz člana 50. Zakona. Izjava je sastavni dio ovog poziva (prilog 6).

5. Pisana izjava iz člana 52. Zakona.

U skladu sa članom 52. stav (2) Zakona svaki ponuđač dužan je u ponudi dostaviti i posebnu pisanu izjavu ovjerenu kod nadležnog organa da nije nudio mito niti učestvovao u bilo kakvim radnjama koje za cilj imaju korupciju u predmetnoj javnoj nabavci (izjava koja se prilaže ovjerava se kod nadležnog organa). Navedena izjava sastavni je dio ovog poziva (prilog 7).

B. Posebno definisani uslovi za kvalifikaciju ukoliko ponudu dostavlja grupa ponuđača

U slučaju da ponudu dostavlja grupa ponuđača:

- dokumenti koji su navedeni u poglavlju III., tačka A, podtačka 1. (lična sposobnost) i podtačka 2. (sposobnost obavljanja profesionalne djelatnosti) ovog poziva moraju se posebno dostaviti/pripremiti za svakog člana grupe ponuđača;

Članovi grupe ponuđača mogu dostaviti jedan set/paket ostalih dokumenata, koji su traženi u ovom pozivu.

IV. PODACI O PONUDI

A. Sadržaj ponude

Ponuda treba da sadrži:

- a) ime i sjedište ponuđača,
- b) popunjeni obrazac za ponudu/obrazac za dostavljanje ponude,
- c) popunjeni obrazac za cijenu ponude,
- d) izjava o ispunjenosti uslova iz člana 45. Zakona, ovjerenu kod nadležnog organa,
- e) dokumente u vezi s ispunjenjem uslova iz člana 46. Zakona,
- f) običnu kopiju dokumenta iz člana 47. Zakona,
- g) izjava o ispunjenosti uslova iz člana 50. Zakona,
- h) izjavu o sukobu interesa iz člana 52. Zakona

B. Način izrade ponude

Ponuđači su obavezni da pripreme ponude u skladu sa kriterijima koji su utvrđeni u ovom pozivu. Ponude koje nisu u skladu sa ovim pozivom bit će odbačene kao neprihvatljive.

Ponuđači snose sve troškove nastale na ime pripreme i dostavljanja njihovih ponuda. Ugovorni organ ne snosi nikakve troškove ponuđača u postupku nadmetanja.

Stranice ponude se označavaju brojem, na način da je vidljiv redni broj stranice.

Ponuda se izrađuje na način da čini cjelinu. Ponuda se čvrsto uvezuje na način da se onemogući naknadno vađenje ili umetanje listova. Ponuda se piše neizbrisivom tintom.

U tom smislu ugovorni organ će samo i isključivo prihvatiti ponude koje budu uvezane jemstvenikom (notarski konopac, koji na prednjoj ili zadnjoj strani ponude mora biti ojačan voštanim žigom ili naljepnicom preko koje stoji pečat ponuđača) ili čvrstim knjiškim uvezom sa koricama.

Ponuđač podnosi ponudu na jednom od jezika koji je u službenoj upotrebi u Bosni i Hercegovini.

C. Izmjena i/ili dopuna ponude i odustajanje od ponude

Ponuđač može do isteka roka za dostavu ponuda dostaviti izmjenju i/ili dopunu ponude.

Izmjena i/ili dopuna ponude dostavlja se na isti način kao i osnovna ponuda s obaveznom naznakom da se radi o izmjeni i/ili dopuni ponude.

Ponuđač može do isteka roka za dostavu ponude pisanom izjavom odustati od svoje dostavljene ponude. Pisana izjava se dostavlja na isti način kao i ponuda s obaveznom naznakom da se radi o odustajanju od ponude. U tom slučaju neotvorena ponuda se vraća ponuđaču.

D. Način određivanja cijene ponude – kriterij za dodjelu ugovora

Ugovor se dodjeljuje ponuđaču na osnovu kriterija najniže cijene tehnički zadovoljavajuće ponude. Ponuđač izražava cijenu ponude za cjelokupan predmet nabavke u konvertibilnim markama KM. Cijena ponude piše se brojevima i slovima. U slučaju neslaganja iznosa upisanih brojevano i slovima, prednost se daje iznosu upisanom slovima.

U cijenu ponude bez poreza na dodatnu vrijednost moraju biti uračunati svi troškovi, s tim da se popusti posebno navode, u koloni posebno naznačenoj u obrascu za cijenu ponude.

Ukoliko ponuđač ne iskaže popust na način da je posebno iskazan u obrascu za cijenu, smatrat će se da nije ponudio popust. Ugovorena cijena je fiksna i nepromjenjiva cijelo vrijeme trajanja ugovora i ne podliježe bilo kakvim promjenama.

E. Preferencijalni tretman domaćeg

Ugovorni organ obavezno primjenjuje preferencijalni tretman domaćeg (preferencijalni tretman cijene) iz člana 67. Zakona, koji će se primjenjivati samo u svrhu poređenja ponuda prilikom ocjene ponuda, u skladu s članom 67. Zakona.

Prilikom obračuna cijena, u svrhu poređenja ponuda, cijene domaćih ponuda će biti umanjene za preferencijalni faktor od 30% (trideset posto), u skladu s Odlukom Vijeća ministara Bosne i Hercegovine, broj: 89/20 od 29.05.2020. godine.

Domaće ponude, u smislu ove odredbe, su ponude koje podnose pravna ili fizička lica sa sjedištem u BiH i koja su registrirana u skladu sa zakonima u BiH i kod kojih su najmanje 50% ukupne radne snage za izvršenje ovog ugovora rezidenti iz Bosne i Hercegovine.

Dokaz:

U svrhu dokaza za primjenu preferencijalnog tretmana domaćeg, ponuđači su dužni dati izjavu koja je sastavni dio obrasca za dostavljanje ponude (prilog 1).

F. Način dostave ponude

Ponuda se dostavlja u pisanom obliku – u jednom primjerku, u zatvorenoj koverti, s naznakom i adresom primaoca, nazivom i adresom ponuđača, evidencijski broj nabavke, s naznakom predmeta nabavke, naznakom: „ne otvaraj“. Na vanjskoj omotnici mora biti adresa i oznaka sljedećeg izgleda:

Agencija za bankarstvo Federacije BiH, Zmaja od Bosne 47b, 71000 Sarajevo

G. Period važenja ponude

Ponude moraju važiti u trajanju od 60 (šezdeset) dana, računajući od isteka roka za podnošenje ponuda.

Ako ponuđač u ponudi ne navede period njenog važenja, smatra se da ponuda važi za period naznačen u Pozivu za dostavu ponuda.

U periodu važenja ponude, ugovorni organ može zahtijevati od ponuđača, u pisanoj formi, da produži period važenja do određenog roka. Svaki ponuđač ima pravo odbiti takav zahtjev.

Ako ponuđač ne odgovori na pismeni zahtjev ugovornog organa u pogledu produženja perioda važenja ponude ili ne pristane produžiti rok važenja ponude, smatra se da je ponuđač odbio zahtjev ugovornog organa, te se njegova ponuda ne razmatra u daljnjem toku postupka.

Ponuđač koji pristane produžiti period važenja ponude, i o tome u pisanoj formi obavijesti ugovorni organ, produžava period važenja ponude. U periodu produženja važenja ponude, ponuda se ne može mijenjati.

H. Mjesto, datum i vrijeme prijema ponuda – rok za dostavljanje ponuda

Ponudu je potrebno dostaviti na sljedeću adresu:

Agencija za bankarstvo Federacije BiH, 71000 Sarajevo, Zmaja od Bosne 47b.

Krajnji rok za dostavljanje ponude je 07.10.2020. godine, do 10:00 sati. Ponude koje budu dostavljene po isteku ovog roka bit će vraćene ponuđaču neotvorene.

V. OSTALI PODACI

A. Rok, način i uslovi plaćanja izabranom ponuđaču

Ugovorni organ obvezuje se da će usluge plaćati ponuđaču na osnovu ispostavljenih faktura za stvarno izvršene preglede, u roku od 60 (šezdeset) dana od dana primitka računa za uredno obavljenu uslugu.

VI. PRILOZI POZIVU ZA DOSTAVU PONUDA

Sljedeći prilozi su sastavni dio poziva:

Prilog 1. Obrazac za dostavljanje ponude

Prilog 2. Obrazac za cijenu ponude – usluge

Prilog 3. Tehnička specifikacija usluga – sadržaj pregleda

Prilog 4. Izjava o ispunjenosti uslova iz člana 45. Zakona

Prilog 5. Izjava o ispunjenosti uslova iz člana 47. Zakona

Prilog 6. Izjava o ispunjenosti uslova iz člana 50. Zakona

Prilog 7. Izjava iz člana 52. Zakona

Prilog 1: Obrazac za dostavljanje ponude

Broj nabavke:

UGOVORNI ORGAN :

Agencija za bankarstvo Federacije BiH, Sarajevo, Zmaja od Bosne 47b

PONUĐAČ: _____

ID broj: _____

Adresa ponuđača: _____

*Ukoliko ponudu dostavlja grupa ponuđača, upisuju se isti podaci za sve članove grupe ponuđača, kao i kada ponudu dostavlja samo jedan ponuđač, a pored naziva ponuđača koji je predstavnik grupe ponuđača upisuje se i podatak da je to predstavnik grupe ponuđača. Podugovorač se ne smatra članom grupe ponuđača u smislu postupka javne nabavke.

KONTAKT OSOBA (za konkretnu ponudu)

Ime i prezime	
Adresa	
Telefon	
Faks	
E-mail	

IZJAVA PONUĐAČA

U postupku javne nabavke, koju ste pokrenuli i koja je objavljena na internetskoj stranici ugovornog organa, dana, evidencijski broj nabavke: _____ dostavljamo ponudu i izjavljujemo sljedeće:

1. U skladu sa sadržajem i zahtjevima iz Poziva za dostavu ponuda br. (broj nabavke koji je dao ugovorni organ), ovo izjavom prihvatamo njene odredbe u cijelosti, bez ikakvih rezervi ili ograničenja.
2. Ovom ponudom odgovaramo zahtjevima iz Poziva za dostavu ponuda za isporuku usluga, u skladu sa uslovima utvrđenim u pozivu, kriterijima i utvrđenim rokovima, bez ikakvih rezervi ili ograničenja.

3. Cijena naše ponude: _____ KM

Popust koji dajemo na cijenu ponude: _____ KM

Cijena naše ponude, sa uključenim popustom: _____KM

Ukupna cijena za ugovor: _____KM

Cijena ponude ne uključuje porez na dodanu vrijednost (PDV), s obzirom da je djelatnost zdravstvene zaštite oslobođena plaćanja PDV-a.

U prilogu se nalazi i obrazac za cijenu naše ponude, koji je popunjen u skladu sa zahtjevima iz Poziva za dostavu ponuda. U slučaju razlika u cijenama iz ove Izjave i Obrasca za cijenu ponude, relevantna je cijena iz obrasca za cijenu ponude.

4. U vezi s vašim zahtjevom koji se odnosi na ispunjavanje uslova za primjenu preferencijalnog tretmana domaćeg, pod punom materijalnom i krivičnom odgovornošću dajemo izjavu (zaokružiti pod a. ili pod b.):

- a. Naša ponuda ispunjava uslove za primjenu preferencijalnog tretmana domaćeg
- b. Naša ponuda ne ispunjava uslove za primjenu preferencijalnog tretmana domaćeg

***Ukoliko ponuđač ne zaokruži niti jednu od navedenih opcija njegova ponuda se neće smatrati domaćom.**

5. Ova ponuda važi (broj dana ili mjeseci se upisuju broičano i slovima, a u slučaju da se razlikuju, validan je rok važenja ponude upisan slovima), računajući od isteka roka za prijem ponuda, tj. do [...../...../.....] (*datum*).

6. Ako naša ponuda bude najuspješnija u ovom postupku javne nabavke, obavezujemo se dostaviti dokaze o kvalificiranosti, u pogledu lične sposobnosti, ekonomske i finansijske, kao i tehničke i profesionalne sposobnosti, koji su traženi u ovom Pozivu za dostavu ponuda i u roku koji je utvrđen, a što potvrđujemo izjavama u ovoj ponudi.

Ime i prezime osobe koja je ovlaštena da predstavlja ponuđača:

Potpis ovlaštene osobe: _____

Mjesto i datum: _____

Pečat ponuđača:

Prilog 2: Obrazac za cijenu ponude

Naziv ponuđača: _____

Broj ponude: _____

Redni broj	Opis	Cijena pojedinačnog pregleda	Broj osoba	Ukupna cijena usluge (3x4)
1	2	3	4	5
1.	Sistematski pregled za žene		69	
2.	Sistematski pregled za muškarce		61	
Ukupno:			130	
Popust:				
Ukupno sa popustom:				

Potpis ponuđača: _____

Napomena:

1. Cijene moraju biti izražene u KM. Za svaku stavku u ponudi mora se navesti cijena.
2. Cijena ponude treba da sadrži sve naknade koje ugovorni organ treba platiti dobavljaču. Ugovorni organ ne smije imati nikakve dodatne troškove osim onih koji su navedeni u ovom obrascu.
3. U slučaju razlika između jediničnih cijena i ukupnog iznosa, ispravka će se izvršiti u skladu sa jediničnim cijenama.
4. Jedinična cijena stavke se ne smatra računskom greškom, odnosno ne može se ispravljati.
5. Cijena ponude ne uključuje porez na dodanu vrijednost (PDV), s obzirom da je djelatnost zdravstvene zaštite oslobođena plaćanja PDV-a.

U cijenu ponude moraju biti uračunati svi troškovi, s tim da se popusti posebno navode, u koloni posebno naznačenoj u obrascu za cijenu ponude.

Ukoliko ponuđač ne iskaže popust na način da je posebno iskazan u obrascu za cijenu, smatrat će se da nije ponudio popust.

Ugovorena cijena je fiksna i nepromjenjiva cijelo vrijeme trajanja ugovora i ne podliježe bilo kakvim promjenama.

Prilog 3: Tehnička specifikacija - sadržaj pregleda

Sadržaj pregleda:

a) Zdravstveni pregled za žene:

- Klinički liječnički pregled
- Laboratorijska analiza krvi i urina (KKS, GUK, CRP, alfa amilaze, proteini, albumini, LDH, CK, ALP, urea, crea, TSH, lipldogram, ALT, AST, GGT, bilirubin, Fe, elektroliti, Na, K, Ca, cito urina, mokraćna kiselina)
- Framing ham kardio test (kardio rizik)
- Helicobacter Pylori IGG
- EKG, snimanje, analiza, interpretacija
- RTG pluća i toraxa – na indikaciju
- Pregled pulmologa - na indikaciju
- Ehokardiografija (ultrazvuk srca)
- Ergometrija ili holter EKG-a ili holter krvnog pritiska
- Kolor dopler krvnih sudova vrata
- Ultrazvuk gornjeg i donjeg abdomena (jetra, žučni vodovi, slezena, gušterača, bubrezi)
- Ultrazvuk štitne žlijezde, sa TSH – hormon štitne žlijezde, T3 i T4 – prema indikacijama
- Ginekološki pregled (pregled ginekologa, papa test, kolposkopija, ultrazvuk ginekološki)
- ultrazvuk dojki ili mamografija
- Pregled interniste
- Ostalo, prema potrebi-indikaciji, tokom obavljanja sistematskog pregleda (pretrage koje se rade u poliklinici)

b) Zdravstveni pregled za muškarce:

- Klinički liječnički pregled
- Laboratorijska analiza krvi i urina (KKS, GUK, CRP, alfa amilaze, proteini, albumini, LDH, CK, ALP, urea, crea, TSH, lipldogram, ALT, AST, GGT, bilirubin, Fe, elektroliti, Na, K, Ca, cito urina, mokraćna kiselina)
- Framing ham kardio test (kardio rizik)
- Helicobacter Pylori IGG
- EKG, snimanje, analiza, interpretacija
- RTG pluća i toraxa – na indikaciju
- Pregled pulmologa - na indikaciju
- Ehokardiografija (ultrazvuk srca)
- Ergometrija ili holter EKG-a ili holter krvnog pritiska
- Kolor dopler krvnih sudova vrata
- Ultrazvuk gornjeg i donjeg abdomena (jetra, žučni vodovi, slezena, gušterača, bubrezi)
- Ultrazvuk štitne žlijezde, sa TSH – hormon štitne žlijezde, T3 i T4 – prema indikacijama
- Ultrazvuk prostate, uključujući i PSA hormone (tumor marker za prostatu)
- Pregled urologa, prema potrebi
- Pregled interniste
- Ostalo, prema potrebi-indikaciji, tokom obavljanja sistematskog pregleda (pretrage koje se rade u poliklinici)

Broj radnika Agencije: 130 (žena: 69; muškaraca: 61).

Period obavljanja pregleda: oktobar-novembar 2020. godine

Prilog 4: Obrazac izjave o ispunjenosti uslova iz člana 45., stav (2), tačke c) i d) Zakona

Ja, niže potpisani _____ (*Ime i prezime*), sa ličnom kartom broj: _____ izdatom od _____, u svojstvu predstavnika privrednog društva ili obrta ili srodne djelatnosti

_____ (*Navesti položaj, naziv privrednog društva ili obrta ili srodne djelatnosti*), ID broj: _____, čije sjedište se nalazi u _____ (*Grad/općina*), na adresi _____

(*Ulica i broj*), kao ponuđač u postupku javne nabavke usluga sistematskog zdravstvenog pregleda, koji provodi ugovorni organ **Agencija za bankarstvo Federacije BiH**, koji je objavljen na internetskoj stranici ugovornog organa, a u skladu s članom 45. stavovima (1) i (4) **pod punom materijalnom i kaznenom odgovornošću**

IZJAVLJUJEM

Ponuđač _____ u navedenom postupku javne nabavke, kojeg predstavljam, nije:

- c) propustio ispuniti obavezu u vezi s plaćanjem penzijskog i invalidskog osiguranja i zdravstvenog osiguranja u skladu s važećim propisima u BiH ili zemlji u kojoj je registriran;
- d) propustio ispuniti obavezu u vezi sa plaćanjem direktnih i indirektnih poreza u skladu s važećim propisima u BiH ili zemlji u kojoj je registrovan.

U navedenom smislu sam upoznat s obavezom ponuđača da u slučaju dodjele ugovora dostavi dokumente iz člana 45. stav (2) tačke od a) do d) na zahtjev ugovornog organa i u roku kojeg odredi ugovorni organ shodno članu 72. stav (3) tačke a) Zakona.

Nadalje izjavljujem da sam svjestan da krivotvorenje službene isprave, odnosno upotreba neistinite službene ili poslovne isprave, knjige ili spisa u službi ili poslovanju kao da su istiniti predstavlja kazneno djelo predviđeno Kaznenim zakonima u BiH, te da davanje netačnih podataka u dokumentima kojima se dokazuje lična sposobnost iz člana 45. Zakona o javnim nabavkama predstavlja prekršaj za koji su predviđene novčane kazne od 1.000,00 KM do 10.000,00 KM za ponuđača (pravno lice) i od 200,00 KM do 2.000,00 KM za odgovorno lice ponuđača.

Također izjavljujem da sam svjestan da ugovorni organ koji provodi navedeni postupak javne nabavke shodno članu 45. stav (6) Zakona o javnim nabavkama BiH u slučaju sumnje u tačnost podataka datih putem ove izjave zadržava pravo provjere tačnosti iznesenih informacija kod nadležnih organa.

Izjavu dao:

Mjesto i datum davanja izjave:

Potpis i pečat nadležnog organa:

M.P.

Prilog 5: Obrazac izjave o ispunjenosti uslova iz člana 47., stav (1), tačka a) Zakona

Ja, niže potpisani _____ (ime i prezime), sa ličnom kartom broj: _____ izdatom od _____, u svojstvu predstavnika privrednog društva ili obrta ili srodne djelatnosti _____ (navesti položaj, naziv privrednog društva ili obrta ili srodne djelatnosti), ID broj: _____, čije sjedište se nalazi u _____ (grad/općina), na adresi _____ (ulica i broj), kao ponuđač u postupku javne nabavke usluga sistematskog zdravstvenog pregleda, koji provodi ugovorni ogran **Agencija za bankarstvo Federacije BiH**, koji je objavljen na internetskoj stranici ugovornog organa, a u skladu s članom 47. stavovima (1) i (4) **pod punom materijalnom i kaznenom odgovornošću**

IZJAVLJUJEM

Dokument čiju običnu kopiju dostavlja ponuđač _____ u navedenom postupku javne nabavke, a kojim se dokazuje financijska sposobnost iz člana 47. stav (1) tačka a) je identičan sa originalom.

Nadalje izjavljujem da sam svjestan da krivotvorenje službene isprave, odnosno upotreba neistinite službene ili poslovne isprave, knjige ili spisa u službi ili poslovanju kao da su istiniti predstavlja kazneno djelo predviđeno Kaznenim zakonom u BiH, te da davanje netačnih podataka u dokumentima koji se dokazuje financijska sposobnost iz člana 47. Zakona o javnim nabavama predstavlja prekršaj za koji su predviđene novčane kazne od 1.000,00 KM do 10.000,00 KM za ponuđaču (pravno lice) i od 200,00 KM do 2.000,00 KM za odgovorno lice ponuđača.

Izjavu dao:

Mjesto i datum davanja izjave:

Potpis i pečat ponuđača:

Potpis i pečat nadležnog organa:

M.P.

Prilog 6. - Izjava o ispunjenosti uslova iz člana 50. tačke: c), d) i e) Zakona

Ja, niže potpisani _____ (ime i prezime), lična karta broj _____ izdatom od _____ dana _____, u svojstvu predstavnika privrednog društva ili obrta ili srodne djelatnosti _____ (navesti položaj, naziv privrednog društva ili obrta ili srodne djelatnosti), ID broj: _____, čije se sjedište nalazi u _____ (grad/općina), na adresi _____ (ulica i broj), kao ponuđač u postupku javne nabavke _____, a kojeg provodi ugovorni organ _____ (navesti tačan naziv ugovornog organa), za koje je objavljen poziv za dostavu ponuda za nabavku zdravstvenih usluga, a u skladu sa članom 50. tačke c), d) i e) pod punom materijalnom i krivičnom odgovornošću, dajem izjavu o ispunjenju zadanih uslova iz tačke 4. (tehnička i profesionalna sposobnost ponuđača) Poziva za dostavu ponuda, i to o:

- c) angažiranom osoblju, za koje se ne može zahtijevati da su zaposleni kod ponuđača;
- d) prosječnom broju zaposlenih u posljednje tri godine;
- e) tehničkoj opremljenosti i osposobljenosti.

Nadalje izjavljujem da sam svjestan da krivotvorenje službene isprave, odnosno upotreba neistinite službene ili poslovne isprave, knjige ili spisa u službi ili poslovanju kao da su istiniti predstavlja krivično djelo utvrđeno Krivičnim zakonima u BiH, te da davanje netačnih podataka u dokumentima kojima se dokazuje tehnička i profesionalna sposobnost iz članova 48. do 51. Zakona o javnim nabavkama („Službeni glasnik BiH“, broj: 39/14) predstavlja prekršaj za koji su predviđene novčane kazne od 1.000,00KM do 10.000,00KM za ponuđača (pravno lice) i od 200,00KM do 2.000,00KM za odgovorno lice ponuđača.

Izjavu dao:

Mjesto i datum davanja izjave:

Potpis i pečat ponuđača:

M.P.

Prilog 7: Izjava iz člana 52. Zakona o javnim nabavkama

Ja, niže potpisani _____ (ime i prezime), sa osobnom kartom broj: _____ izdatom od _____, u svojstvu predstavnika privrednog društva ili obrta ili srodne djelatnosti _____ (navesti položaj, naziv privrednog društva ili obrta ili srodne djelatnosti), ID broj: _____, čije sjedište se nalazi u _____ (grad/općina), na adresi _____ (ulica i broj), kao ponuđač u postupku javne nabavke _____ (navesti tačan naziv i vrstu postupka javne nabavke), a kojeg provodi ugovorni organ _____ (navesti tačan naziv ugovornog organa), za koje je objavljeno na internetskoj stranici ugovornog organa, a u skladu sa članom 52. stav (2) Zakona o javnim nabavkama **pod punom materijalnom i kaznenom odgovornošću**

IZJAVLJUJEM

1. Nisam ponudio mito ni jednom licu uključenom u proces javne nabavke, u bilo kojoj fazi procesa javne nabavke.
2. Nisam dao, niti obećao dar, ili neku drugu povlasticu službenom ili odgovornom licu u ugovornom organu, uključujući i strano službeno lice ili međunarodnog službenika, u cilju obavljanja u okviru službene ovlasti, radnje koje ne bi trebalo izvršiti, ili se suzdržava od vršenja djela koje treba izvršiti on, ili netko tko posreduje pri takvom podmićivanju službenog ili odgovornog lica.
3. Nisam dao ili obećao dar ili neku drugu povlasticu službenom ili odgovornom licu u ugovornom organu uključujući i strano službeno lice ili međunarodnog službenika, u cilju obavljanja u okviru svoje službene ovlasti, radnje koje bi trebalo obaviti, ili se suzdržava od obavljanja radnji, koje ne treba izvršiti.
4. Nisam bio uključen u bilo kakve aktivnosti koje za cilj imaju korupciju u javnim nabavkama.
5. Nisam sudjelovao u bilo kakvoj radnji koja je za cilj imala korupciju u toku predmeta postupka javne nabavke.

Davanjem ove izjave, svjestan sam kaznene odgovornosti predviđene za kaznena djela primanja i davanja mita i kaznena djela protiv službene i druge odgovornosti i dužnosti utvrđene u Kaznenim zakonima Bosne i Hercegovine.

Izjavu dao:

Mjesto i datum davanja izjave:

Potpis i pečat nadležnog organa:
